

09.03 PROFIL

Margarita Gaudenz: «Tschintg dis n'hai jau betg survegni da mangiar»



Margarita Gaudenz è seguida cun 21 onns a si'amur en Brasilia – ed è rivada en ina dictatura brutala. Quai era l'onn 1969. La giuvna da Scuol s'ha engaschada per la democrazia ed è rivada en praschun. Ina praschun brasiliana. Anc oz trembla sia vusch sch'ella quinta da quests dus mais plain tema e desperaziun. Tuttina è Margarita Gaudenz restada a Salvador en Brasilia ed in chapitel nov ha cumenzà. Ella è daventada ustiera. E quai dad in dals restaurants ils pli enconuschents da la Brasilia da quel temps. Il Berro d'Agua è daventà il lieu d'inscunter dad artists ed intellectualas. Ma in di ha badà Margarita Gaudenz, cha dumbrar filets na maina betg satisfacziun ad ella. Ed uschia ha ella chattà ina terza passiun, il Jin Shin Jyutsu. Cun questa terapia giapunaisa lavura ella fin il di d'oz. Co che quai funcziuna e pertge ch'ella è turnada avant dus onns, suenter 50 onns en Brasilia, en Engiadina, tut quai raquinta ella en quest «Profil».

Redacziun: Anna Serarda Campell